

24. Oktober 2017

**Siunnersuut: Ilagiinnut ilaasortat kisimik akileraarummik naapertuuttumik akileraartalernissaat pillugu oqallisissiaq**

(Inatsisartunut ilaasortaq Randi Vestergaard Evaldsen, Demokraatit)

Apeqqummut oqallisissiamut Demokraatini ilaasortap Randi Vestergaard Evaldsen-ip siunnersuutaanut qujanaq!

Siumumiit imak akiumavarput;

Aap inuup nammineq aalajangigassaraa upperisani sumut tunaartaqartinniarnarlugu. Taamaattorli eqqaamasariaqarparput nunatsinni innuttaasut 95%-ingajai ilagiinut Lutherikkuusunut ilaasortaammata.

Ukiuni makkunani anersaakkut sumiginnaaffiit nalaanni suli pisariaqarnerulersimavoq anersaakkut ataatsimoorussaqaarnissarput. Uani pineqarput assersuutitut taaneqarsinnaasut; atuarfinni ullaakkut tussiummik aallartittarnerit peerneqarnikuupput. Raatiukkut ullaakkut upperisaq aqutigalugu neriuummik pigisaqaarnissatsinnik anersaakkullu immerneqaatissaraluartinnik piiaaffigineqarnikuuvugut. Aarlerinarsinnaasumik ingerlaaseqarpugut aperisariaqarlutalu; "tulliamita suna aperineqaqqaarnata peerneqassappat?"

Ilagiit Lutherikkuusunut ilaasortat kisimik akiliisillugit oqaluffeqalissagutta oqaluffiup sullitai assigiinngitsut eqqorneqassapput;

Ilisinerit, Iliveqarfinnik toqqaqqataanerit, Inunngortoqartillugu toqusooqartillugulu nalunaarsuinerit taaneqarsinnaallutik.

Lutherikkuussuseq apeqqutaatinagu upperisarsioqatigiit allat imaluunniit aninikut toqusortaat iliveqarfimmuut ilineqartarput taannalu suliassaq oqaluffiup sulisuunit innersuussutigineqarlunilu isumagineqartarpoq soorluttaaq illerfissaat taamak pineqartartussaasut.

Ilagiit ingerlaasiannik isorisaqarluni aninikut naak ikikkaluaqisut allallu ilagiit naalagiariaasianik allatut ilusilimmik ingerlatsinissamik kissaateqartut aaqqissuussiffigineqarsinnaapput immikkut ilagiit sinniisaat aqutigalugit iliuuseqarnissamik. Asersuutigineqarsinnaapput inuusuttut tusarnaartitsineri, nipaallisimaarnerit oqaluusinertaqanngikkaluartut immikkullu qinoqatigiinnerit tarnikkut nanertisimassuteqartoqartillugu. Assersuutaasinnaapput imminorerit ajunaarnerilluunniit tassanngaannaq inoqutigiit atugaanik allannguisut. Kialuunniit aqusaarsinnaasaa taamaattumillu qaquguluunniit anersaakkut nukittorsarnissamik pisariaqartitsiffigisinnaasaa.

Siumumi ilaageqarneq pingaartilluinnarparput anersaakkut katersuuffeqarnissarput illersoratsigu.

Takorlooriartigumi Juullikkunni, Påskemi, ilisinerimi, katittoqartillugu apersortittoqartillugu kuisittoqartillugulu qanoq qamuuna pisuunnguallatsigisarnersugut. Aningaasat aalajangersimasuinnaat atorlugit ilageeqarneq/Oqaluffeqarneq ingerlatilissagaluarutsigu sukkasuummik illuutit oqaluffiit ilisaqartarfiit nungullariartupallassapput akiliisartut kisimik nammassinnaanngisaanik.

Eqqaasariaqarparput Ilageeqarneq Inatsimmi tunngaviusumi illersugaammat pinngitsooranilu aningaasanut inatsimmi allaqqasussaalluni.

Taamatut oqaaseqarluta oqallilluarnissassinnik kissaappassi.



Pitsi Høegh

Siumut